


17<sup>th</sup> March, 2024

**SINLAI 7**

Galatiate 2:6-10

**THUPI: HEUTUTE KIKAL A TANCHINHOIH BULPHUHNA**

Tangvom: Gal 2:9



## **Tangvom Genna**

2:9 “Huan kei kiang a piak a om hehpihna amuh un, Jakob, Kifas, Johan, khuam muanhuai leh min neiten, amau bel zeksumte kiang a hoh ding leh, kou Zentelte kiang a hoh ding in, kei leh Barnabas kithuahna khut taklam hon pe zawta uhi.”



## Text

6 Hihna deuh min nei mahmah te bangchi bang hihna nei mahle uh kei a ding in alamdanna a-omkei hi. Pathian in kuamah akhentuum kei a; huai min nei mahmahte thugen in bangmah hon behlap kei hi.

7 Huchih naksang in zeksumte kiang a tanchinhoih Peter kiang a kepsak a a-om bang in zeksumloute kiang a tanchinhoih kei kiang ah kepsak in a-om chih athei zaw uhi.

8 Zeksumte sawltak hi ding a Peter a sempa mah in Zentel-te sawltak hi ding in kei ah asem hi.

9 Huan kei kiang a piak a om hehpihna amuh un, Jakob, Kifas, Johan, khuam muanhuai leh min neiten amau bel zeksumte kiang a hoh ding leh kou Zentelte kiang a hoh ding in kei leh Barnabas kithuahna khut taklam hon pe zawta uhi.

10 Gentheite ka theihgige lel uh adeih ua, huai mah hih ka tum tinten hi.



## **Sinlai Masa Etkikna**

**Sinlai 6: “Saptuam a Tanchinhoih Phuhkipna”**

- ✓ **Juda Saptuam & Zentel Saptuam te Tanchinhoih kibang a phuhkip ahiih theihna ding ua Paul in nasatak a panla**
- ✓ **Zeksum thubuui genkhawm dia Jerusalem a saptuam makaite' sap a om**
- ✓ **Kilakna amuh bang a hangsantak a va hoh, Barnabas & Titas tonpih**
- ✓ **Mi nautang & makai (mi lian) te a Tanchinhoih gen atuam tuak a hihchian**
- ✓ **Bouruak sousing sim mahleh gindan diklou lam a mitphiat kal le kipe lou uh**



## Tuni Sinlai

Sinlai 7na: “Makaite a Tanchinhoih Bulphuhna”

Tomkim a genchetna: Jerusalem ah Juda Saptuam (Judaism hilou) om a, tua a makai tallang diakte **Jakob, Kifas leh Johan** ahi uh. **Antiok** ah Zentel Saptuam a-om a, tua a makai tallang diakte **Paul & Barnabas** ahi uh. #Judaizer khenkhat in hiai saptuam nihte Tanchinhoih gen kibanglou dan in gen uhi. Himahleh mun-le-mun (Jerusalem Khawmpi) a genkhawmna hon neih chiang un a thugen uh kilamdanna khat leng omlou Khrist Tanchinhoih tui hellouh tuak ana hi hi. Huchia makaite kal a Tanchinhoih bulphuhna kiptak hong om pen Saptuam khangthu a thil chiamteh tak khat hong suak hi.

A tanchinhoih gen uh akibat kia hilou in sepna ding mun leh mite leng Pathian in atuam chiat pia ahildan leng kipomsak tuah uhi. **Jakob, Kifas leh Johan** te zeksum (Juda) mite kiang ah, **Paul & Barnabas** ahihleh zeksumlouh (Zentel) mite kiang a Tanchinhoih nasem dia Pathian seh ahih dan uh pom uhi.



**t. 6 Hihna deuh min nei mahmah te bangchi bang hihna nei mahle uh kei a ding in alamdanna a-omkei hi. Pathian in kuamah akhentuum kei a; huai min nei mahmahte thugen in bangmah hon behlap kei hi.**

- ✓ Paul in Jerusalem a saptuam makaite kimuhkhawmna (Jerusalem Khawmpi) ahi agen
- ✓ ‘Hihna deuh min nei mahmah te’ (*those who seemed to be something NKJV, ...influential, ESV*). Sinlai masa a t.2na a ‘milian deuh’ (atuam in ka hilh) achih toh apau bul kibang – *dokeo*. Mi nautangte kiang a aluikhiak Zentelte kiang a a Tanchinhoih gen pen hiai a hihna deuh nei makaite mai a ahon genchet chiang in a Tanchinhoih gen uh kibang geih ana hi chih Paul in theichian thakthak hi.
- ✓ ‘Pathian in kuamah akhentuum kei’ – Pathian in mi a dinmun uh leh hihna azir in khentuamlou, kibang vek a hon en ahildan kilang...
- ✓ ‘Bangmah hon behlap lou’ - Hiai a Paul paukam kisaktheihna hilou...Judaizer ten Jerusalem a heutute sang a Paul niam zaw, athugen leng diklou bang in genzak uh...himahleh gospel thu hon genkhawm taktak chiang un **lamdanna omlou**. Paul Tanchinhoih gen ah **bangmah behlap** tuan ding leng omlou hi.



**t.7 Huchih naksang in zeksumte kiang a tanchinhoih Peter kiang a kepsak a a-om bang in zeksumlouhte kiang a tanchinhoih kei kiang ah kepsak in a-om chih athei zaw uhi. t.8 Zeksumte sawltak hi ding a Peter a sempa mah in Zentel-te sawltak hi ding in kei ah asem hi.**

- ✓ Jerusalem Khawmpi a zeksum thubuai gen dia akuan dek lai in Paul in 'athawn a tai hiam, tai thawnta' hih khak alau mahmah. Himahleh a Tanchinhoih gen nouneltak a hon genkhawm Chiang un Jerusalem a heutute gen toh kibang geih hi. Huaiziak in hiai ah 'huchih naksang in' chih thumal hon zang hi.
- ✓ Huchih naksang in (*but on the contrary*, NKJV) Gk a thumal nih *alla* (himahleh/ahihhang in), *tounantion* (aleh lam/gintaklauh lam)...#thumal khat kia leng hun mahleh nih zang hi.
- ✓ Judaizer khenkhatte gen bang a Tanchinhoih a kibatlouhna om **malak in/naksang in**...zeksumte (Judate) sawltak Peter kiang a kepsak Tanchinhoih toh, zeksumlouhte (Zentelte) sawltak Paul kiang a kepsak Tanchinhoih akibang ahi chih **athe**i (*eido – mu, phawk, theikak, musuah*), *chihna ahi*. #Genkhawmna/kikupkhawmna tungtawn a theikhia...
- ✓ Zeksumte sawltak hi ding a Peter a sem (Kha) mah in Zentelte sawltak hi ding in Paul ah sem hi.
- ✓ Sepna mun leh mite kibang kei mahleh Kha kibang pi a om uh ahihdan kilang hi.



**t.9 Huan kei kiang a piak a om hehpihna amuh un, Jakob, Kifas, Johan, khuam muanhuai leh min neiten amau bel zeksumte kiang a hoh ding leh kou Zentelte kiang a hoh ding in kei leh Barnabas kithuahna khut taklam hon pe zawta uhi.**

- ✓ Saptuam kipat tuung lai a makai lian a pang Jakob, Kifas, Johan te Judaizer ten “**Khuam**” chi uhi. **Jakob** pen ‘Toupa unau’ chih a om ahi a, Jerusalem Khawmpi uktu hi a gen ahi. Dinmun poimoh aluah ziak a amin loh masak a om hi ding hi. **Kifas** pen Peter’ Aramaic min ahi. **Johan** pen Tanchinhoih Johan, Johan Laikhak 1-3 leh Kilakna gelhtu “It Johan” chih a leng om ahi. (Amau teng 3 Nungzuite lak a Jesu toh kinai diak “*inner circle of the Disciples*” chih a omte ahi uh. Jesu hinkhua a hun poimoh diak a Akiang a om gigete ahi uh - Mellamdanna (Mk 9:2-3); Jaira tanu kaihthohna (Lk 8:49-56); Gethsemani huan a thumna (Matt 26:36-38). **Peter** –suang/rock chih a om, Nungzuite lak a Jesu a ginna puangkhe masa pen, Pentecost ni a thugenpi, mi 3000 pianthakna; **Jakob & Johan** – “Vanging tapate” chih a om, Jesu ginna ziak a martyr kihuan, Jakob Martyr a si masa pen, Johan nungzuite lak a dam sawt pen.





**t.9 Huan kei kiang a piak a om hehpihna amuh un, Jakob, Kifas, Johan, khuam muanhuai leh min neiten amau bel zeksumte kiang a hoh ding leh kou Zentelte kiang a hoh ding in kei leh Barnabas kithuahna khut taklam hon pe zawta uhi.**

- ✓ Heutute tukhawm a hong kikapkhawm chiang un Gospel khat a kibulphuhna hong om ban ah mission policy leng bawlkhia uhi: Jerusalem a 'khuam' muanhuai leh 'min neite' (Jakob, Kikfas, Johan) zeksumte kiang ah; Paul leh Barnabas zeksumlouhte kiang a missionary nasem ding in...
- ✓ **Kithuahna khut taklam** – “kilawmtakna leh kilemna a ginom ding genna.”
- ✓ Hiai kilemna “doctrine a kilemna kia hilou in mimal a heutu leh heutu kikal kizopna chidam” genna ahi.
- ✓ Hiai kilemna Sawltak Paul Zentel mission theihpihna leh pompihna suak a, sawltak dangte bel zeksumte lak a mission nasem ding in - policy bawlkhawmna hong suak hi. #Paul in lohsap khak lau mahleh Pathian in lamdangtak in pi chih hiai ah kilang...
- ✓ Hiai kilemna “Thukhun poimoh namkipna” (*confirmation of a solemn covenant*) chih in om hial hi. #Hiai kilemna omkei taleh...
- ✓ Zentel mission leh Juda mission pen chi leh jat a kikhenna lam hilou in Pathian apan nna gotna leh sapna (*calling*) toh kisai ahi. Hiai kilemna om nung a Paul in Judate Synagogue a thu agen chiang in thil hihkhial ahi kei a; Peter in leng Zentel mi Samari mite leh Rome sepaih za heutu Cornelius leh amite kiang a thu a va gen khak chiang a hih khial hi tuanlou hi. Heutu thumte mohpuak bik a-om, heutu dang nihte mohpuak bik leng om chih bel achiang hi.



## **10 Gentheite ka theihgige lel uh adeih ua, huai mah hih ka tum tinten hi.**

- ✓ “genthei” (*ptochos*) pen thumal hausatak ahi. “mi zawng,” “khutdoh,” “bangmah neilou,” “damtheihna tasam,” “deihsakna ngahlou,” “bawlsiatna tuak kaw k thei thumal ahi.
- ✓ Bible suut mi khenkhat in “Jerusalem a gingtu genthei” kial leh sawina thuakte genna hi masa deuh in ngai uhi.
- ✓ Huai leng dik thou maithei...hilehleng Tanchinhoih tuh mihing sukha nasepna ahi a. Neih le lam leh khovel thilte hi masalou in mihing hinna mahmah Jesu’n leng abuaipih pen ahi.
- ✓ Tulai Khristian te lak ah Gospel tuh building khawng, inn leh lou leh khantouhna khawng akisa kha dekdek sek hi. Pathian lunlutna zaw mihing ahi.



## **SIN DING**

- 1.** Paul in anasepte Jerusalem heutute mai a va luikhia a kitheihciamna atut bang in, Toupa gam nasepna ah midangte ngaihndan la thei ding a kingaihniam apoimoh hi.
- 2.** Paul in a nasepdan te report abawl Chiang in Jerusalem heututen Paul mulou in “Tanchinhoih kepsak a om ahi” chih atheih bang un i talent te leh siamna ten Jesu aliah louh ding apoimoh hi.
- 3.** Gospel adalhzak hatna ding in saptuam heutute muhdan (vision) kibang leh gingtu mimal chihtakna a poimoh hi.

